


ایکٹھی نہ

سنجی و آلتجی صابی

دَارُ الْفُنُونِ
الشیخ فاکر السمرقندی

تاریخی ، اجتماعی ، دینی ، فلسفی

حزیران — ۱۹۲۷



شہزادہ ہاشمی — اوقاف مطبعہ سی

۱۹۲۶

فرانسز لسانيله قونوشولان مملكتلرده (۱۹۱۴) دن

(۱۹۲۵) ه قادار دين فلسفهسى [۱]

بومقاله مه ويرديكم عنوانى هانكى مغناده آلىق لازم كلديكى قيصهجه ايضاح ايتك
ايچون عرض ايدهيم كه «دين فلسفهسى» تعبيرى آلمانيا وانكلترده اولدينى قادار فرانسهده
مستعمل دكلدر . حتى بزده بو تعبير معين وتك بر معرفتهده تقابل ايتز . بزم
بوراده ديني فلسفهسى تعبيرى قوللانمقله آكلاديغمز معنا، سادهجه ديني حادئه لرك طويى
ويا اساسلى شكللرندن برينى تفسيره تمايل ايدهن بوتون صوك تحريلرى وياخود بونلرك
احتوا ايتديكى مسئله لرك معقول برخانى ده رله يوب طويلا مقدر . بناء عليه ساحه من مثالا
دينى روحيات واجتماعيات قادار عقلى السباتى ده احتوا ايده جكدرد.

۹

اولا بوتديقلرك فرانسهده (۱۹۱۴) دن اولكى حالى خاطرلايالم . عرض ايتديكم
تاريخه كلنجيه قادار ديني مسئله لرده جدل اصولى ، كرك سقولاستيك منتسبلرنده وكرك
(هه كل) ك آچمش اولدينى ايده آليست بردين فلسفهسى جيغيرينى تعقيب ايتنلرده دوام
ايدنيوردى؛ يالكز بونلر چوق زماندنبرى برنجى صفة قونيلا بيله جك هيج بر اثر وجوده
كتيرمه مشلردى . جهان حربندن اولكى ربع عصرده ديني مسئله نك ميدانه چيقارندينى
اك بنام فلسفى جهد ، (م . موريس بلونديل) طرفندن ياشيلمشيدى . آچيقدن آجيغه
قاتوليك اولان بومتفكر ، ديني حياتك اساسنى وجدان وحسياتدن زياده عملده كوردىكى
ايچون بوباد ، كى فلسفه سنى « عمل فلسفه سنى » دستوريله افاده ايتمشدر . (۱۸۹۳) ده
يازدينى وبالا خره برچوق مقاله لرله تقويه ايتديكى بومشهورتلك چوق چاليشيلمش ودرين
سيسته منى بوراده برقاج سطرله خلاصه ايده بيله جك كى دكلز يالكز شو قادار سويليه بيليركه

[۱] (Revue Philosophique) ك (۱۹۲۶) سنه سى (۱۱ و ۱۲) نجى نومروسنده

(F. Leroux) امضاسيله انتشار ايتمش برتديقك ترجمه سيندر . صوك اون ايكي سنه ظرفنده دينك
خادنه ومسئله لرينه دائر نشر اولونمش علمى وفلسفى اثرلر حقنده معلومات وبردديكى كى طلبه افنديلرك
حاضرلايه جقلى مساعى به رهبرلك ايده بيله جك بركتابات وظيفه سنى ده كوره بيلير . مصطفى شكيب

(پاسقال) ، دینی نه طرزده مدافعه ایتدی ایسه بومتفق کرده عینی مدافعه‌ی اوریش‌بنال برطرزده احیا ایتمشدر . دین حقنده کی بوتون فلسفی مسئله‌لری بر طرفدن ایسته‌مک اساسی امللری ملاحظه‌سی اطرافنده طوبالامش ، دیگر طرفندن ده بوامللری فعلی‌انده تعقیب‌ایله بونلرک غیرقابل اجتناب انهملرده دخی پس‌زنده قالدق‌لرینی کوستره‌رک اراده‌مک حادثات نظامی آشدیغنی و بوده بزده متعال بر آلهک مندمیچ بولوندیغنه دلالت ایتدیکنی و بو اراده ، ازلی حمله‌سک یوکسک‌ککنده قالمق ایچون کندیسنده مندمیچ آلهک تأثیرینه قارش کندیسنی سربست بولوندیرمه‌سی لازم کلدیکنی اثبات ایتکه چالیشمشدر .

بوکا تماماً بکزمه‌ین دیگر برتلقی ده (پ. لابه‌رتونیه‌ر) طرفندن « معنوی دوغما‌تیزم dogmatisme moral » نامی آلتنده چوق شخصی ، یک کیرکین فقط ده‌ا آز تکنیق برشکلده عرض ایدلشدر . نهایت (M. Edouard Le Roy) ک بوتمایله بدرجه‌یه‌قادر یاقین دینه‌بیلجک صورتده یاپدیغنی بارلاق و جسارتلی تاقی وارکه مؤلف بوراده دینی عقیده ، معجزه و آله مسئله‌لرینی یکی تعبیرلرله وضع ایتمشدر . دینی فلسفه ، ایشیغنی بوراده‌ده ذهنیه جیلکک مخالفی اولان برمسکدن یعنی « حدس فلسفه‌سی » ندن آلمشدر . ذاتاً مؤلفده (برغسون) ک تأثیری غالب اولدیغنی ایچون وارقوتنی روحی حیاتی درینلشدرمکه ویرمشدر . بواعبارله دینه‌بیلیرکه (بلوندهل) ک مذهبه مخالفتدن زیاده مشابعت عرض ایده‌ر .

دینی حادثه‌لری هیئت عمومیه‌سیله مثبت بر صورتده مطالعه ایتک فرانسه‌ده چوق صوک زمانلرده باشلامشدر . نته‌کیم (ریبو) نک « حسیات روحیاتی » (۱۸۹۶) نده حس دینی‌یه [۱] تخصیص ایدلمش اولان فصلی مطالعه ایتک بو خصوصده هنوز یک آز ایلرله‌شمش اولدیغنی کوستره‌که کافیدر . بوتاریخدن اعتباراً دینی حادثه‌لرک روحیاتی چوق ترقی ایتدی . بوراده بالخاصه (Murisier) نک کوچوک اثرندن صوکر (م . هانری‌ده لاقرووا) نک [۲] مساعیسنی اشارت ایدلم . بوصول ذات ، اوچ بویوک تاریخی شخصیتی یقیناً تدقیق ایتک صورتیه وجوده کتیردیکی « Etudes d'histoire et de psychologie du mysticisme » (۱۹۰۸) نام اثرنده خریستیان میستیسیمزمنی درین بر صورتده تحلیل ایده‌رک اونک معضل و مترقی انکشافنی آیدینلاتدی .

[۱] طرفندن یایلان ترجمه‌سی « الهیات فاکولته‌سی مجموعه‌سی » نک « برنجی سنه » و « برنجی صابی » سنده انتشار ایتمشدر . (صحیفه ۱۲۰ - ۱۴۱)

[۲] صوریون دارالفنون روحیات مدرسیدر . میستیسیمز ، لسان ، دین و صنعت حقنده کی بسیقولوزیک تدقیق‌ایله معروفدر .

نہایت اجتماعیات دہ دینی واقعہ لک تدقیقانه قاتیلیمق تشبہندہ بولوندی . بورادہ (M. M. Hubert) ایله (موس Mauss) ک مساعیسی و بالخاصہ (دورقائم) ک دینی حیاتک ابتدائی شکلری (۱۹۳۲) [۱] نامندہ کی اہمیتی اثری خاطر لاتیق کافیدر . مؤلف بورادہ دینی حیاتک الابدائی صفحہ سی تدقیق ایدیور . بونک ایچون دہ الیوم الابدائی بر حالہ بولونان آوسترالیا و شمالی آمریکا یرلیرینک توتہ میزیم تسمیہ ایدیلن دینلرینی موضوع اتخاذا ایدہرک دینی ہیئت عمومیہ سسیلہ معشری حیاتک بر محصولی کنی کوس-تریور ؛ یالکیز ال اسالی خطلرینی ، تماماً غیر حقیقی اولماقلہ برابر ، اولدنجہ خیالی برشکلده تنظیم ایدیور . بوجہ-ارتلی تہ مذکور اثرلہ اثبات ایدیلکدن چوق اوزاق قالمقلہ برابر دینی حیاتک شیمدیہ یہ قدار بودرجہ صریح ، کنیش وجائی بر صورتدہ اورتہ یہ قونمادیفی دہ محققدر .

ایشنہ فرانسز مفسکرہ-سنک حربدن اولکی دوردہ دینی مسئلہ لرہ دائر قویدینی باشلیجہ الک معتبر محصولر بونلردن عبارتدر . آشایغیدہ بوساحدہ دہا ایلرلرہ نفوذ ایتک ایچون (۱۹۱۴) دنبری یاپیلان یکی جہدلری کوسترہ جکز .

۲

جدل اصولی حالا تماماً ترک ایدیلہ مشدر . (P. Garrigou-Lagrange) ، بودورده یکی فلسفی اثرلر ویرمہ مشسہ دہ یالکیز (طوماس داکن) ک الہیات و فلسفہ مذهبنی تعقیب ایدہرکن اولجہ وجودہ کتیرمش اولدینی اثرلر یکیدن طبع اولونمشلردر . بونلردن الک مہمندہ [۲] آلہی نہایت عینیت برنسپنہ منجر اولاجق برعلیت برنسپیلہ اثبات ایتک صاواشیر ؛ اوصورتلہ کہ نتیجہ دہ یا آلہی تصدیق ایتک ویا عبثی قبول ایتک شقلرندن برینی ترجیح ایلہ مک ایجاب ایدہر . بو نوع استدلال معاصر متفکرلرک چوغنہ ضعیف کورونمکدہ ایسہ دہ (طوماس داکن) ، اضافقلہ (طومیزیم) تسمیہ ایدیلن بو مذهب بعضی محیطلردہ یکیدن مودا [۱] حسین جاهد بک طرفندن ایکی جلد حالیدہ ترجمہ ایدلشد .

[۱] «Dieu, son existence et sa nature». Solution thomistes des Antinomies agnostiques. Paris, Beauchesne 3e éd' 1920 Cf. مؤلفک « Le sens commun, la philosophie de l'être et les formules dogmatiques » Paris Nouvelle Librairie National, 3 éd. 1922. (ایلاک طبیبی ۱۹۰۹ دہ) .

اولدیغندن جوشغون برطاقم سالکیری باش کوسترمشدر؛ بونلر آراسنده اسلوبی اک یوکسک اولانی (م. ژاق ماریتهن) در [۱].

(هه گول) عنعنه‌سی تعقیب ایدن ایده آلست جدلیله کلنجه بونک دقته اک شایان نمونه‌سی (ژول لانیو) در «De l'existence de Dieu» (۱۹۲۵، پارس آلقان) نامی آئنده طوبیلانان درسلی اخیراً شاکردلرندن بری طرفندن طبع ایدلمشدر. اعتراف ایتلی که منحصراً تفکر اصولی بوندن دها صمیمی ودها درین بر صورتده اداره ایدله‌مز. مؤلفک بودرسلرنده استمداف ایتدیکی غایه آللهک موجودیتی اثبات ایتک اولمایوب - چونکه موجودیت یالکیز محسوس شیلرک خصیصیه سیدر - بلکه آللهک شأنیته‌کی کندی مفکره‌میزک فعالیتنده مندرج بر پرنسیپ ماهیتنده کوسترمک صورتیه واصل اولمقدرد. (لانیو)، محسوس وحقی مدرک اولاییله‌جک موجودیتک اوتنه‌سندگی بوتون شأنیترک پرنسیپی، حریتک «فعل مطلق» نده، آللهک کندی کندیسی بزه من‌الازل درج ایتش اولماسنده یعنی ایده آل ایله حقیقی دیدیکمز شیلرک اساسی عینیتلرینه اوطورتمق لازم کلدیکنی کوسترمکه جهد ایتمشدر. مؤلفی، یک ماهرانه اولان جدلک بوتون قیوریملرنده تعقیب ایده‌جک دیکاز. مؤلف، بو مرکزی پرنسیپه وارلغک بوتون اساسی وجوهی ربط ایتمکده در. یالکیز شونی قید ایدلم که بو ذاته کوره شأنیتهک اک درین خصیصه‌سی اخلاقی عملده منکشف اولور؛ بونک ایچوندرکه متفکر وارلق اخلاقی عملده فردی‌یی کلکی‌یه فدا ایدر و بو صورتیه آللهک شأنیته اک مکمل بز یقین ایله واصل اولور. وایلک نظرده تجریدی صوک درجه‌سینه کوتوره‌جک کبی کورونن بو استدلال نهایتده عمله دایانیر و بو منافیتک مسئله‌نک حقیقی حلنک بو نقطه‌ده اولدیغی نتیجه‌سینه وایر. مؤلف، (افلاطون) و (سپینوزا) بی کندیسه استاد اتخا ایتدیکنی اشارت ایتمه‌سینه رغماً بڑاوند (قانت) و (فیخته) نک اخلاقی ادالی مطلق ایده آلینمندن طوبیلانمش چوق تمیز وچوق شخصی بر نقل کوربیورز که مثلاً (رویس: Royce)، آمریقاده بو نقلی دها دولغون ودها مشخص بر شکلده یاپدی. برده اونوتمایلم که (لانیو)، «(رویس) ایله همان‌هان معاصر بولونیوردی. مؤلف مذکور درسلی (۱۸۹۳-۲۸۹۲) سنده تقرر ایتمشدر. صوک زمانلرده بعض مؤلفلرده جدل ذوقی یکیدن ظهور ایتمکله

[۱] «دکایه دائر تأملات: Reflexions sur l'intelligence» (نووهل لیبره‌ری ناسیونال

۱۹۲۴) نام اثری بالخاصه شایان دقتدر.

برابر دین مسئله‌سندن بو طرزده بحث ایتنه‌نک الیوم چوق کیمسه‌لری تطمین ایدمه‌جک برماهیتده اولماسی شبهه‌لیدر. بونکله برابر (لانیو) نك میدانہ قویدینی فکرلر نولولمقدن چوق اوزاقدرلر. برطرفدن عملک متافیزیک اهمیتی حقیقه‌کی اصراری (بولوندل) دده واردی. یالکیز اصول و تطبیقاتده آرالزنده صوکه درجه‌ده اختلاف اولدینی محققدر. دیگرطرفدن ذهنده تماماً مندیج برآله قبول ایتک طرزنده‌کی ایدمه‌آلیست‌تاقی، معاصرلرمزک برچوقلری طرفندن حالقبول ایدلش کوروئمکده‌در. مثلاً (بروشویغ) [۱] ک غیرشخصی سپریتوآلیزمی، نه صورتله اولورسه اولسون فردی برالوهیته معارضدر. عینی تلقی؛ اسمی (شارتیه) اولدینی حالده (آله‌ن) امضاسنی آتانه و (لانیو) نك اسکی شاگردی و حرارتلی تقدیرکاری بولنان طاتلی اسلوبلی متفکرده‌ده کورولور.

بو ذات دینی واقعه‌لرک مشخص تفسیرلرینه یاناشه‌رق مساعیسنی «Propos sur le Christianisme» [۲] عنوانی آلتنده طوبلا‌مشدر. بوکوچوک کتاب‌قادر خلاصه‌سی مشکل برشی یوقدر؛ چونکه هرپارچه‌سی، حتی هرجه‌سی، مفکره‌نی یکی برنیش‌ایله تنبیه ایدر. یالکیز حاکم تمایللرندن برقاچی اشارت اولنه‌بیلیر. (آله‌ن)، دینی و بالخاصه خرستیانی، ذهن بشرک تاریخچه ربط ایدر. اونجه ذهن بشر برلرندن اولدقجه فرقلی اولان شوو ایکی عاملک متمادی تأثیریه قابل ایضا‌حدر: احتراصلرک جلوه‌سی، مفکره‌نک جهدی. عینی زمانده دینلرک ناتورالیست یعنی موسم بایراملری، رقصار، مراسم، بوطلو معبدلر آبدلرکی جسمانی برمنش‌آدن کلدکارنده اصرار ایدر. آیین و مناسک دیدیکمز شیلر بونلردن دوغمش و افسانه‌دن اولدرلر. چوق کچمه‌دن بوشارتلره ملاحظه و تأمل انضمام‌ایدر. مشرک‌لرک اسطوره‌لری بورادن کایر و جهان نظامی افاده ایدرلر. بوقدیم الهیاتلرده عقلک ایلک چالیشمه‌لری کوروله‌بیلیر. قاتولیک‌لک، نك و روحانی برآله فکری و یرمک، انسانلری هپ قاردهش طایتمق و ایمانه اهمیت و یرمک سایه‌سنده دینه قطعی برترقی تأمین ایتدی. (آله‌ن)، خرستیانلق عقیده‌لرینک تمکنده، تثلیث عقیده‌سی‌ده داخل اولدینی حالده، نه‌کی حقیقتلر بولونه‌بیله‌جکفی کوسترمکدن خوشلانیر. یالکیز بونلری چوق جرأتله و تحریف ایدره‌ک ترتیب ایدر. (هه‌کل) ده کورولیدیکی کی بونده‌ده آکلامق، دائماً حدی‌آشوق اولور. کلیسانک کتیریدیکی کلی یعنی جهانشمول

[۱] «طبیعت و حریت: Nature et Liberté» پارس. نه‌میل فلانماریون ۱۹۲۱

[۲] پارس. ف. ریده‌ر، ۱۹۲۴.

فکر ، زمانزده کلیسا خارچنده مرعیدر و آرتق برطرفدن هرشیئک وفاق و آهنگنی
تحقیق ایتدیردن و بزه موقعی کشف ایتدیرمکده یکانه رهبر اولان برعلم، دیگر طرفندن ده
ینه ایمان ، اما بوسفر اعتقادلردن قورتولوش و حقیقی ماهیته رجوع ایده رک « اراده ایله
ایله اولاجق شیلره » توجه ایتمش بر ایمان واردر . بویمان، منحصرأ بشریدر . (آلهن) ،
کائناتک باغرنده کیزی بر اراده یوقدردیدیکی ایچون (نه پیکور) ی مدح ایدر و بونقطه ده
ماتهریالیستلردن آیریلماه رق آچیقجه : « انساندن باشقه سینه طایبق یاسا قدر ، دیر
(صفحه ۶۹) .

خلاصه (لانیو) نک معقبری ، استادلرینک ذهنیه جیلک و ثومانیزم استقامتمنده کی بر
یارچه مهم تفکرینی باشقه بر رنک ایله تبارز ایتدیردیله . (آلهن) ه قابل قیاس اولان
وکنیش بر خلقه حقیقه فلسفی بر تفکرله خطاب ایدن ، یالکزی تماماً فرقلی بر روح
طاشیدان و حتی بسبتون مخالف نتیجه لره واران (نوتردام دوباری) کلیسا سنک واعظی
(پ. پیه سانسون) « l'Inquiétude Humaine » [۱] نامیله نشر ایتدیکی موعظه لری
بو میانه ذکر ایدیله جک اثرلردندر . بوراده اساس فلسفه (پاسقال) دن آلینوب
(م. بلوندل) ک و ده ها چوق (پ. لابه رتونیهر) ک تفکر شمیسه سینه اویدورولارق
توسیع ایدلمشدر . بونکله برابر بویکی بویوک دین واعظی آئینه کندیسینه خاص بریاقیجیلیق
وهیجان ویریجی برصمیمیت درج ایتشدر . بوتون جهان انسانلغنک حضورسزاق ایچنده
بولوندیغنده اصرار ایدر ؛ و بونک سینی جذری اولان ضعفمزه غیر محدود اولان
احتیاجلرمن و جبلتمزده کی نابعت احتیاجیله تام برصورتده آزاداولق احتیاجز ، اولدیغمز
ایله اولق ایسته دیکمز آراسنده موجود اولان ضدیتده کورور . بو صورتله قدرمن
مسئله سنی بوتون وسعتیله وضع ایدر و صوکراسه پتیکار ضرزنده هیچ برشیئه اینانعه مقله
بو بادردن قورتولونه مایه جغنی و بونی متعاقب دینی اعتقاددن باشقه برشیله تطمین ایدیجی
برحل چاره سی بولونه مایه جغنی اجتماعی تشکیلات ، دین و فلسفه نک کفایتسز لکلرینی
اشارت ایتک صورتیله کوسه تیر . بو صوک تحلیل بالخاصه شایان دقتدر ؛ چونکه
(سپینوزا) نک مونیزمیله (رهنوویه) نک پلورالیزمی دین فلسفه سنده ایکی اساس وضعیت
کی کوسه تره رک بونلرک بزه حقیقی بر قورتولوش ویرمه جکلرینی صیره سی کلدکجه تأیید
ایدر . بو بویوک واعظه کوره اوزله دیکمز نامتناهی یی قازانه بیلمک ایچون قیسه جق ،

فقط انسانك جان اوینه ایشله یین تعبیرلرله افاده ایدلش اولان دینی اجتماعی ایچمزدن دویوب ایسته مک و بونی قبوله حاضر لایمقدن باشقه چاره یوقدر .

ایوم فرانسه ده دینی فلسفه نك اك جانلی شكلی، بشرک حضور سز لنگك تعمیقنه مستند برفوق الطبیعه جیلک ایله مفکره نك طلبیرینه مستند اولان وبر (بروشویخ) ، بر (شارتیه) طرفندن چوق مختلف اسلوبلرده مدافعه ایدیلن ایده آلیم موندستدر . مودا حالنده احیا ایدیلک ایسته نن طومیزم ایسه چوق کیمسه لری جذب ایتمه مکده در . الحاصل اك عصری تفکرده حالا (پاسقال) و (سپینوزا) قارشلاشمقده درلر . برنجیمی رومانیتک لیریزم ایله روح مدیرلرینک تجربه لیرینه مترافق ، ایکنجیسنده ایسه (فانت) ك ایده آلیمنه و آزچوق بشریت دینه توجه ایدیلش بولونیلیور . کورولیور که بونلر همان صرف فلسفه منطقه لرنده جولان ایدیورلر . شیمدی بو ساحه یی ترك ایده رك دینی واقعه لرك مثبت تدقیقیرینه استناد ایدن معاصر متفکرلرک نلر دوشوندکلرینی کوره لم .

۳

صوك اون ایکی سنه نك تام معناسیله دینی اجتماعیات ساحه سنده وجوده کتیردیکی مساعی وبالخاصه ترکیبی ماهیتده اولانلری پك آزددر . ایرلانده نك ملی قهرمانی اولان (عزیز باتریق) ی تدقیق ایدن (م. قزانووسکی) نك بو باده کی اثر [۱] بی ذکر ایده لم . مؤلف ، (عزیز باتریق) ك افسانه سنه استناد ایده رك بونده اول ایرلاندا نك اسکی خرسیتیانلنگك یاراتدیغی دینی بر دستان کوروپور ؛ صوکراده بو مثالک یاردمیله قهرمانلره یاییلان آیین ایله بعضی اجتماعی بیه لرك انموذجلری آراسنده برمناسبت چیقارمه چابالیور . (Robert Hertz) ك « سافل جمعیتلرده ذنوب و کفارت ذنوب le Péché » et l'Expiation dans les sociétés inferieur نامیله یازمغه تشبث ایتدیکی تدقیق چوقدها مهم اولاجقدی ؛ فقط پك مستعد اولان بوکنج اجتماعی اتریخی بیتیره دن حربده تولدی . یالکز (هرچ) ك بواثره یازدیغی مدخل [۲] نشر ایدلدی . (هرچ) بوراده خرسیتیانلغده ذنوب و کفارت ذانوب و قوفلرینک هنوز تنویر ایدلمه دیکنی و بونلرك تکتوتنی آیدینلاقم ایچون نه تنولوژی به مراجعت ایتک لازم کلدیکنی چوق قوتلی برصورتده میدانه قویدی .

[۱] Le Culte des Héros et ses Conditions sociales. Patrik, héros national de l'Irland, Alcan. 1919.

[۲] Revue de l'Histoire des Religions. juillet-octobre 1922 P: 5-54.

چوق شکر که (م. موس)، حربه نولن بو آرقداشنگ براق دینی نوطلری آلاق اتری (هرچ) که مقصدی دائره سنده یازمنی در عهده ایش بولونیور و حق یاقینده نشر ایدم جگنی بیلدیریور. شونی ده علاوه ایدم که دینی واقعه لک تفسیری بوندن بویه (لهوی برول) که ده شیمدینن کلاسیک اولش «ابتدائی ذهنیت: La Mentalité primitive» [۱] نامنده کی اترینی حساب آلمه مجبوردر؛ مؤلف، بوراده ابتدائی ذهنیتک فارق صفتک «اساساً میستیک» اولدینی بوتون وسعتیه میدانه چیقاریور و کوستریور که ابتدائی تفکر بوتون محسوس حادثه لری کزلی قوتلرک برتظاهری کی تصور ایدیور.

بعضی مورخلرک مساعیلری تام معناسیله اجتماعی مساعیه یاقلاشه بیلیر. نه کیم: (M, P, L. Couchoud) ک «عیسانک سری: Mystère de Jesus» [۲] نام هنرلی رساله سی، میتولوغلرک مدحاسنی آندز برلیاقله تکرار آله آلاق عیسانک تاریخی بر شخصیت کی ملاحظه ایدیله بوب «مستیک بر معشری تجربه» عقینده معشری روحک بر محصولی یعنی خرسیتان وجدانک یاواش یاواش وجوده کتیردیکی بر وارلق کی نظر دفته آلیمه سی مدافعه ایدیور.

هله (م. آفره دلووازی) [۳] نک مساعیسی بالخاصه ذکره شایاندر. «قربان حقنده تاریخی بر تجربه: L'Essai historique sur le Sacrifice» [۴] نامنده کی اتری چوق جالب دقتدره ایچنده جانلی بر ترکیبه خادم اولان کنیش معلومات وارد؛ بو اعتبارله اجتماعیاتیلری شدتله علاقه دار ایدم بیلیر. بوراده لایق اولدینی کی تدقیق ایدیله میه جگنبدن ده اچوق دین حقنده کی بوتون فکر لرینک بر مشهری اولان «دین: La Religion» [۵] نام اثری اوزرنده تواف ایدم جکز.

(لووازی)، هم چوق ساده، هم ده چوق شخصی اولان بواثریله کرک تاریخ و کرک معاصر جمعیتلری مشاهده میه مستند اولارق دینک «انسانی معناسنی» چیقارمق ایسته مشدر. جهانک [۱] (پارس) ده، آلقان کتبخانه سنده، ۹۲۲. بواثر، مؤلف (۱۹۱۰) ده نشر ایتدیکی «سافل جمعیتلر ده ذهنی افولهلر» نامنده کی اثره ذیلدر.

[۲] Paris' Rieder' 1624

[۳] قولله ژ دو فرانسده مدرس اولان بو ذات الیوم فرانسه نک اک مشهور مفسر لریندر. بوتون اثرلری دینه حائد اولوب پک چوقدر.

[۴] Strasbourg, istra. 1924

[۵] پارس، ته میل نورری. (۱۹۱۷)، ایکنجی طبعی (۱۹۲۴) ده اولوب خیلی تعدیل ایدلشدز.

تحوالاتی و بوتون دینی عقیده لرك قوجا مشغنی تصدیق ایتمکه برابردینده ابدی بر جوهر اولدیفنه قانعدر. اوکا کوره دینک اساسنی تشکیل ایدن شی بشری تساند دو یغوسی، بشریته قارشنی اولان وظیفه من حسیدر. ایلک دینلرده بوحس هنوز مبهم بر حالده اولوب محسوس و کیزلی مضاعف بر طاقم قوتلره اعتقاد حالده در؛ بواعتماد تاریخک آقیشنده متبادیاً صافلاشهرق زمانزده هر درلو متافیزیک نظریه دن قورتولش بر حالده کندی عریض ایتمکه در. بونکله برابر مؤلف، دینی حسک «سری: میستیک» خصیصه سی اوزرنده اصرار ایدر لرك بوتنک دائماً محفوظ اولدیفنی و او یله ده قالا جغنی سوبله مکده در. یالکنز بوراده میستیکنی تلقی مخصوصنده آما یوب عقله قابل ارجاع اولمایان وارلغمزک بر استعدادی کی کورمکده در. دینی تکاملک ایلک حاملی دائماً ایمان اولمشدر؛ ایمان ایسه اساساً بر زمره ویا جمعیتک استقبانه اعتماد ایتمک حسیدر. جمعیتلرمزک باشند آشاغنی تحوله اوغراماسندن متولد اولان قاجینیلاماز بحران، الیوم خرستان اعتقاد لرینی آلوب کورتورمشدر. بونلرک یرینه عقلک سلطنتی دکل، یکی بر ایمان، بشریت ایمانی کلمه لیدر. (م. لووازی)، بشریتی « دائماً مضطرب، دائماً ثولن و دائماً یکیدن دیریلن حقیقی و ابدی مسیح (صحیفه ۳۶۷) » کی تعیرلره تجیل ایدیور.

(م. لووازی) نک دین قارشیننده کی وضعیتنده فوق الطیعه جیلق (سورناتورالیزم) و راسیونالیزمه قارشنی عینی خصومت اولدیفنی کورولیور. بعض جهتلرده آچقندن آچیغه (دورقایم) « یاقلاشیورکه: هر ایکسی ده بشری جمعیتی. دینک هم منشای، هم ده حقیقی موضوعی بایمقده و دینده کی متعالیتی بر طرفه براقهرق کچمش دینلردن ابدی برنوع حقیقت آیرمقده متفقدرلر. یالکنز (م. لووازی)، (دورقایم) دن هم ده ایده آلیست. هم ده ده ذهنیه جیلک مخالفیدر. چونکه ساده جه سوسیولوژیک اولان دین نظریه سنده مندمج اولان ایهامدن یعنی جمعیتله دینی عینی شی کورمکدن مجذب کورونمکده در.

(م. لووازی) یه کوره دینک موضوعی، حالی جمعیت اولمایوب ایده آل انسانیت در. (صحیفه ۳۷۱ باقیکنز) معنوی حیاتمز یالکنز معشری وجدانک تصسیقندن عبارت اولمایوب جوق ده اتمیز و دریندر. مؤلفک دین حقنده کی نظریه سی افاده ایتمک لازم کلسه. بونی شیمیدی یه قدار یابیلمش الک جذری بر اخلاق جیلق moralisme اولارق توصیف ایده بیلیرز. اخلاق و دینک مشترک جوهری اولارق کوستردیکی وظیفه حسنی (قانت) کی سرت. آکلامقده برابر یالکنز اونی بتون متافیزیک و عقل جیلقندن آیریور. اونجه وظیفه حسنی الهیات مجموعه سی صابی ۵

شخصی هیچ بر مکافات امدی بسله مکسزین بشرینک خدمته کندی می ویرمه سوق ایدن معنوی برپا نسیاق کیدر . بو تلقینک اصلاته دییه جک اولادی بی کبی عصری شعورک بعض تمایللریله ده هم آنکدر . یالکز یاپیلان شی عجا دینی واقعه نك صادق بر تفسیریمیدر ؟ اعتراف ایتلی که (م. لووازی) ، برهانلرنده (دورقایم) دن چوق دها آز اهماکار اولمشدر . بوسیدن (دین) حقنده کی اثری ، کندی ایمانک مغرورانه بر تقریری و تاریخی کوزل اجماللره بر تزیینی کبی قالیور . چونکه مؤلف ، کنديسنه خاص اولان بویانک نام معناسیله دین تسمیه‌سنه لایق و موضوع دینلرک جوهرینه تماماً مطابق اولدیغنی اثبات ایتور .

نیته کیم بو تنقیدی دیگر بر مورخ تأیید ایتکده در : (جنوره نك) هند حریاتی عالملرندن (م. پل اولترامار M. Paul Oltramars) نام مورخک « دین و معنوی حیات La Religion et la vie de l'Esprit » [۱] نامیله نشر ایتدیکی اثر (م. لووازی) نك تلقیسنه مخالفدر . بو ذات اولاشوشؤالی صورویور : دین معنوی حیاتک الزم بر شرطیمیدر ؟ تدقیقلرینک نتیجه‌سنده ویردیکی جواب آچیقه منفی اولویور . (م. لووازی) کبی ساده‌جه بشری بر « نه نیک : اخلاق » مدافعه ایتکله برابر دینک خصوصیتنه اوندن دها صیقی و تام بر صورتده حرمت و دینی شویله تعریف ایدیور : « کنديلرینه ایملک یاخود کونولک یا یقی قابلیتلی توجیه اولونمش غیر محسوس اشیا و موجودات قارشیسنده انسانک حرمت ، آرزو و قورقو حسلرینه ترجمان اولان اعتقاد و عمللرینک هیئت مجموعه‌سیدر . » (صحیفه ۱۹۶-۱۹۷) . دین ، دائماً متعال برشأیته اعتقادی تضمن‌ایدهر . مؤلف بومدعاسنی اثبات ایتک ایچون اولدقجه معضل دلیلله باش وورویور . دینک اجتماعی و فردی وجهلرینی صیره‌سیله ملاحظه ایدرهک صوکنجینک اهمیتنی تبارز ایتدیریور . معنوی حیاته ایتدیکی خدمتله یاننده یابدینی مضرتلری ده کوستیریور . و منحصرأ بشری اولان منشأنده اصرار ایدرهک « دینی تجربه‌لر » بزی معتقدک روخندن باشقه برشأیتدن خبردار ایتمز ، دیور . دینک چوق کره خیرکار اولقله برابر بعضاً مضرتلی اولدیغنی و فقط اصلاً الزم اولمادیغنی کوسترمکه چالیشیور . معنوی حیاتک ایملک مریسی دین اولدیغنی تسلیم ایتکله برابر بونک دیگر واسطه‌لرله اله ایدیلهمه جک بر نعمت کتیرمدیکنی علاوه ایتدکن صوکرآ نتیجه‌ده آرتق اوندن واز کچه بیسه جکمز و مفکوره‌لری موجود حیاتده

آرایاییله جکمزى آکلاتمق ایستیور . ایشته برمدما که (پ . سانسون) ک مدعاسنه طبان طبانه ضد . یالکز دعواسنک استنادایتدیکی دلیللاری سرعتله کچمه‌سی وقناعق سوروکلیه جک صورتده اوزرلرنده تحلیلی برتوقفده بولونمامسی اثرینک باشلیجه قصورینی تشکیل ایدیور .

۲

دینی روحیاته عائد مساعیه به کالم . صوک سنه‌لرده بو وادیده انتشار ایتمش اک ده‌لی طولی اثر، (م . هانری دولاقروا : M. Henri Delacroix) نک « دین وایمان : La Religion et la Foi » [۱] نامنده کی اثریدر . بوراده ایمانک باشلیجه شکللریله بونلره ملحق حاللر هم بینه‌لری ، هم‌ده تکامللاری نقطه نظرندن اصول دائره‌سینده وتفصیلاً بحث ایدلمشدر . اثر بالخاصه طوبیلا دینی دینی واقع‌لرک میذولیق وبونلره خاص ذهنی حاللرک تحلیلی ونهایت عرص ایدیلن تفسیرلر اعتباریله شایان دقتدر . مؤلف اثرنده تاریخ ایله روحیاتی بربرینه ظهیر یاه‌رق هرایکی طرفی اک مسعود برطرزده زنکیشلشدیور . تدقیق ایتدیکی حادثه‌لرک معضیلتی شتله دویدیغی اظهار وبرطرفلی ایضاحلره قارشى استکراهق احساس ایدمک آفاقى قالمغه اعتنا ایدیور . وعین زمانده اثرده بروحدت کورولیور . دها ابتداده باشلیجه اوج ایمان نمودجی تفریق ایدیور : سلطه ایمانی، اعتماد ایمانی، محاکمه ایمانی . یالکز بونلردن هیچ بریسنک بویه مجرد وخالص برحاله بولونمایوب حقیقته هراوچنک‌ده دائماً مختلف نسبتلرده برلکده بولوندقلرینی سویلیور . دینی حیات ، یالکز حس صرفک محصولی اولمایوب اجتماعی مؤسسه و حس وعقلک تأثیرلریله وجوده کلشدر . دینلرک اساسنده بشرک آرزولریله برابر فردنی یاخود معشری تحت‌الشعور هیجانلرده وارددر . بوقوتلر آرزو ایتدکلى شیلری تحقق ایتدیرمک ایچون ایمان یاراتیرلر وبوشیلره متعال برصورت ویررلر . یالکز بوتأثری حاللر تام اولق ایچون کندیلرینه تفیکرک یعنی قوت یاخود علتلرک آفاقى برنظام اوزره اولدقلری اعتقادینک انضمامی لازمدر . دیگر طرفدن بوآرزو واعتقادلر بوتون بر « مراسم مذهبیّه منظومه‌سی : Systeme de rites » احیا ایدمک وایمانک اک درین شکللرنده بیله براهمیت محافظه ایدمک « آیین : cutie » ک مبدأی اولورلر . تاریخه باقیلیرسه اولاسطوره : Mythe وبالآخره عقیده : dogme هب یو ایلک مراسم مذهبیّه دن چیقمقده‌در . بوراده تفیکر مداخله ایدمک اولاه غیر

شخصی یعنی منتشر بر حالده اولان دینی قوت وقوف ابتدائیسندن کیندجه انفرادیلهشن آلهلر استخراج ایتدکن صوکر نهایت آنویم اولان الهی بر نامتناهیته قادر کیده ر . یاشامش ایمانی، عقیدوی دستورلرک تعقیب ایتمه‌سی بو ایمانک کندیسنی طایفه‌سی و حقیقته ابنا ایتمه‌سی احتیاجندن ایلری کلکده در . عقیده‌نک سر mystère اولمازدن اول برایشاح موضوعی حالده معضل نظریات فکریه‌نی انکشاف ایتدیرمه‌سی ونهایت کلها سلطه‌سنک آرایه کوروب ایضاح ایدیه‌مه‌ن عقیده‌نی بر سر پاهره‌ق محافظه ایدیجی بر ترکیب کبی تقدیس ایتمه‌سی بو سببند ر .

(م . دولاقروا) بزه ایمانک مختلف عناصرینی و بونلر آره‌سنده کی معضل مناسبتلری جوق اینجه وبسیلی تحلیللرله کوسترملکه برابر دینک قیمتی حقنده بر شی سویله مکدن فارغ اولویور . یالکز اونجه ذهن بشرک عمومی قانونلریله قابل ایضاح اولان وبرجوق غلط ادراکلری احتوا ایتدیکنده شبه اولمایان بر « یارایجی ایمان » وارد ر . دینی ایمانه تفکرک قاریشدیغنده بول بول اصرار ایتکلکه برابر ایمان ایله عقل آراسنده مطلق بر فرق اولدیغی کوسترملکه متایلدر . نته کیم « عقلک کندیسنده بولونان ایمان، ایمان دکل، عقلدر . » (صحیفه ۱۲) دیور . ایشته خیلی معمالی بر ایجاز ایچنده مسئله‌نی غریب بر صورتده خل ایدن بر دستور ۱ فقط دقت ایدیلیرسه بوراده ادعاسنی حقلی چیقارمغه اک آژ طاس ایدن بر نوع تهز قارشیسنده اولدیغمزی کورورز . آکلشیلورکه مؤلف ممکن اولدیغی قادر بسیقولوژیک بر نقطه نظرده قالمق ایستیور . یالکز مسئله‌نی حل ایتمه‌سه بیله موضوعنک سوروکلهدیکی نه بیسته مولوژیک و متافیزیک مسئله‌لری ده وضوح ایله اورتیه قویسه‌یدی عجباً روحیاتی آریجه بر وضوح و مثبت بر قوت قازانمش اولمازیدی ؟

صوک سئلرده بالخاصه انکشاف ایتش اولان میس‌تیک تجربه‌نک روحیاتی حقنده ده عینی سؤاللر ده شدتله خاطره کلیر . بوراده ده (م . دولاقروا) کبی منحصراً بسیقولوژیک تحلیللرله اکتفا ایدیه بیله جکفی ظن ایدنلر وارد ر . اولا بونلره باقلم . (م . ماقسیم دومونتوراند : M. Maxime de Montmorand) بو طرزده سلوک ایتش لک کوزل بر بر نمونه‌سیدر . « اورتودوکس قاتولیک میس‌تیکلرک روحیاتی » [۱] نام آنرنده بوزمره‌یه

[۱] « LA psychologie des mystiques catholiques orthodox » ، آلقان کتبخانه‌سی

۱۹۲۰ . بوراده (M. Y. Second) ک « La prière : دعا » نام اثرنک ایکنجی طبئی‌ده ذکر ایدم . بو اثر اول (۱۹۱۱) ده طبع ایدلشدر . ایکنجی طبئی (۱۹۲۰) ده

منسوب اولان میستیکلرک خصوصیتلری ، زهد اصوللری ، « حادثه‌لری » و « حاللری » صریح و واضح بر طرزده تصویر و تصنیف ایدلمشدر . یالکیز واقع‌لرک تفسیری پک قیصه بر اقلیمشدر . مؤلف بو حاللره دائر دیگر روحیاتجیلرک تسکلیف ایتمش اولدقلری ایضاحلری بالخاصه مناقشه ایتدکن صوکره بو بابده ساده‌جه « مرضیات : پاتولوژی » ه مستند اولان نظریه‌لرک کفایتسزلکنی کوسترییور . و میستیک اولان « حادثه‌لر » ی الهامک بسیقولوژیک خالنه ربط ایدیور ؛ یالکیز بو صوکره تعبیرک نه‌ی استیقا ایتدیکنی پک ایضاح ایتیور . میستیک جذبیه کنججه بونک اوریژینال بر حال اولدیغنده مصردر . عینی زمانده غیر شعوری بر حادثه اولدیغنده متمایل اولمق‌له برابر اونده معرفته فائق بر ادراک طرزی اولدیغی قبول ایتکدن امتناع ایدیور . الحاصل (م . دوموتوران) بزه میستیک تجربه‌نک تعمیق ایدلمش بر تحلیلی کوسترمکدن زیاده میستیسیم تدقیقاتنده بولونه‌جقلمه الویریشلی بر کلیات ویریور .

میستیسیمی بسیقوآنالیز ضیاسی آلتنده تفسیر ایتمه‌نک ایلك تجربه‌لری فرانسه‌ده دکل اسویچرده یاییلمشدر . جنوره دارالفنونی روحیات پروفسوری اولوب ایوم وفات ایتمش بولونان (فلورنوا : Flournoy) ، « یکی میستیک : mystique moderne » [۱] نامیه نشر ایتدیکی بر تدقیقه یکی بر میستیکلر کندی تودیعاتی اعانه‌سیله غایت اهماملی بر تحلیل یامشدر . یالکیز بو بابده وجوده کتیردیکی نظریه طاسلاق حالنده وساده‌جه بو حالک ایضاحنه قابل تطبیقدر . فضله اولارق مؤلفک کوستردیکی صبرلی و نافذ تحلیل‌چوق شایان دقتدر . تدقیقک بوتون قیمتی بو نقطه‌دهدر . بسیقوآنالیزی میستیسیمک تفسیرینه ده‌ا کنیش بر صورتده تطبیق ایدن (م . فردیناند مورل) ک « Essai sur l'intr-overtion mystique » [۲] نام آریدر . مؤلف بوراده مشهور بسیقوآنالیزجیلردن (یونغ) ک Introversion تسمیه ایتدیکی حادثه‌نک بویوک میستیکلرده‌کی تجلیسفی آلفان کتبخانه‌سده انتشار ایتشدر . آرالزنده‌کی بعض فصللر ویکی عنوانلر قونمه‌سی وبر چوق طیلر یاییله‌سیدر .

[۱] دینی روحیات ایچون کوزل بر وثیقه‌در . جنوره‌ده روحیاتجی (قلاپارده) ک علمی نظارتی آلتنده انتشار ایدن « Archives de Psychologie » مجموعه‌سنگ (۱۵) جلدنده (۱۹۱۵) (صحیفه ۲۲۴) . کذا باقیکیز : جلدک (۳۳۸-۳۵۳) صحیفه‌لینه . بوراده (م . دولاقروا) بو یکی میستیکی تاریخک بویوک میستیکلرله شایان دقت بر صورتده مقایسه ایدیور .

[۲] جنوره دارالفنونسده یاییلمش بر ته‌زدر ، طابعی : Kundig ، ۲۹۲۸ .

کوستریور . [بو حادئه ، شعورك خارجي شأیتدن آریله‌رق کندی درونی عالمک فعالیتنه قاتلانوب قاپانمه‌سیدر] . مؤلفه کوره بو حالک اساننده بر « نارسسیزم » یعنی « کندینه سودالانق » حالی واردر . میستیک قادی‌نلرده ایسه بر « Antéerotisme » حاکمدر . هند واسکندریه میستیکلرنده (یونخ) ک (Introversion) تسمیه ایتدیکی حال پک آجیق و یازدر . « اورتودوکس » دینلن میستیکلرده مشترک اولان عنصر ، جنسیت حیاتلرنده کی انطباقسزلقدردر . بو انطباقسزلق اولنرک دقنلرینی خارجي شأیتلر عالمندن آلارق حیات ذهنیه‌نک غیر مشعور قطبلرینه سوروکه‌مشدر . کورولیورکه بوراده میستیک تجربه‌نک تجسسی جالب بر تفسیری یاپیلیور . یالکز اعتراف ایتلی‌که بو تفسیر هم بر آز غندی ، همده سطحی کورونیور . بسیقوآنالیزک بو مظلم حیات روحیه منطق‌سنه برضیا کتیرمه‌سی محتملدر؛ شوقاداروارکه تحلیلی ده‌آز ابتدائی مفهوم‌لر اعانه‌سیله یامعاسی شرطدر . (فلورنووا) افراط‌درجه‌ده مختصر اولان تفسیرلرله بو خصوصده باشقه‌جه ایجه بر تنویر وعد ایتمکده ایدی .

مستیک تجربه حقتده صرف بسیقولوزیک بر نقطه نظر دن اک مکمل نظریه ینه (م . دولاقروا) نککی اولیور . (۱۹۰۸) ده (Etudes) لرنده میستیک انکشافک مرحله‌لرینی ، قسماً تحت‌الشعورله و قسماً شعورك درونی برده ترمینیزمنک قانونلرینه تابع اولارق تصویر ایدیور . (ویلیام جهیمس) ، میستیکلرده تحت‌الشعور منفعل بر فعالیتده بولونقله برابر ذکأنکده آریجه قونترولی اولدیفنی و بو صورتله بونلرده کی شخصیتک مترقی بر صورتده انکشاف ایتدیکنی کوستریور . صوک یازیلرنده [۱] میستیک جذب‌نک یکی بر تحلیلی یاییور : جذب‌نک اساننده لیریزم ، یاخود موسیقی بی دوغورتان انجذاب عاشقانه ایله قرابتدار غیر معین بر نوع خلوص عاشقانه بولندیفنی و فضل اولارق بوکا آله حقتده نا محدود و غیر قابل تعریف سه کولاسیونلردن نشأت ایدن متافیزیک بر شه‌مانک انضمام ایتدیکنی کوستریور . بو صورتله میستیک تجربه ، ارتق روحیاتجی‌یه ساده‌جه بر حدس کی کورونیموب کائناتک عمده‌سیله عینلشمک جهدی ایچنده سوق اولونان بر آدامک ذهنی و تأثری ماده‌لرله یایدیفنی پک معضل بر ترکیب کی کلکده‌در . روحیات

[۱] باقی‌کز : « دین و ایمان » نام اثرینک جلد ۲ . فصل ۱ . کذا چکن صحیفه‌ده (آرشیو دو بسیقولوزی) ده انتشار ایتدیکنی ذکر ایتدیکن مقاله‌سنه . نهایت (M. Baruzi) نک « Bulletin de la Société française de Philosophie » ده انتشار ایدن ته‌زی مناسبتیه یازدینی ملاحظه‌له باقی‌کز . مایس - حزیران ۱۲۹۵ . صحیفه ۴۳-۴۷ .

بو صورتله میستیک تجربه‌نک «درین برصورتده بشری اولان خصیصه‌سینی» کوستریورسدهده اونتولوژیک قیمتی حقیقه برشی سویلیه‌میور .

اخیراً برمدقق بو تجربه‌نک امتیازی بره‌ثال اغانه-سیله یالکز بسیقولوژیک ماهیتی تنویره یلته‌نمکه قالمایه‌رق کندی تعبیری وجهله «قیمت عرفانیه» *valeur noétique* سفیده تنویر ایتک ایسته‌مشدر. ایسته (م. ژان باروزی : M. Jean Baruzi) بو نقطه‌نظره کوره Saint Jean de la Croix حقیقه‌علما له ونفوذلی قوجامان برتدقیق وجوده کتیریور [۱]. اثرده کی تحلیللرک کوزه‌للکینی ومعلوماتک زنکینلکینی نه‌قادر مدح ایتسه‌ک آزدر. بزم اثرده کوردیکمز باشلیجه اساس نقطه‌لر شونلردر : (م. باروزی) یه کوره میستیک تجربه ، هیچ بر تجربه یه قابل ارجاع اولمایان برابشکاریلکه مالکدر؛ کنیدینه مخصوص «کشفلر» احتوا ایدر ؛ تاریخنک الجالریله مربوط یولوندینی دینی شکلدن مستقل اولوب روح واشیانک یکی برمناسبنه ترچاندر . بوتوز جوق ابتکاری اولقله برابر - محررینکده تصدیق ایتدیککی وجهله - هنوز اثباته محتاجدر .

دیگر برقسم مؤلفلرده میستیک تجربه‌نی اساسلی برصورتده تفسیر ایچون بونی بشری معرفتک عمومی شرطلریله مناسبتدار یولوندورمق ضرورتی بالخاصه کوسترمک ایسته‌مشلردر . بونلرک بری (پ. ژوزف ماره‌شال : P. Josephe Maréchal)، دیکری (م. موریس بلوندل) در . یالکز عینی هدفه اولدقجه فرقلی استقامتلرده کیتمشلردر . برنجیق «میستیکلرک روحیاتی اوزرنده تدقیقلر» [۱] نام اثرده میستیک جذبهنک بعضی روحلره تجلی ایدن بر عنایت الهیه اثری اولدقینی وجود مطهره ک حقیقی بر حدسنی تشکیل ایتدیککی ادعا ایتکدهدر . بوادعاسنی تأیید ایتک اوزره بالذات میستیکلرک شهادتلرینی وبالخاصه ذکای بشرک عمومی بر روحیاتی استجلاب ایدیور . بو ذاته کوره بشر ذکاسنک بوتون مطالبنده کوستردیککی صفت فارقه ، وارلنی اثبات ایتک و وحدتی یاقالامق احتیاجیدر . بو احتیاج محسوسانه و کثرته متعلق اولان طبیعی معرفت زمیننده نام بر طمانیت تأمین ایده‌مدیکندن روحز بودرین احتیاج واشتیاقی آنجق بر قدرت خارجیه‌نک اغانه‌سیله وجود مطلقک ذهنی بر حدسنه واردینی زمان تضمین ایده‌بیلیر . میستیک جذبهنک معرفتی ساده‌جه ذکامک بر قوتی اولمایوب بوکا عنایت الهیه‌ده انضمام

[۱] «Etudes sur la Psychologie des Mystiques» . پارس ، آلقان . ۱۹۲۴ . بو

جلد (۱۹۰۸-۱۹۰۹) و ۱۹۱۲ سنه‌لرنده انتشار ایتش اولان مقاله‌لری احتوا ایدر .

ایتمشدر؛ یالکیز بوجذبہ ذکادن آیری بر استقامت و حرکتندہ اولمایوب اونک اساسی حرکتک بر تمادیسیدر .

(م. بلوندل) . کلیتجه بو ذاتده میستیک جذبہیی باشقہجه معضل و باشقہجه اوریشنال بر معرفت نظریہسنہ ابتنا ایتدیریور . «Le Procès de l'intelligence» [۱] نام اثره یازدینی شایان دقت بر بندده میستیک معرفت حقندہ مهم بر تہز عرض ایدیور . بو تہزه کوزہ ذکامن، «وقوفی معرفت : Connaissance notionnelle» ک ماوراسندہ «حقیقی بر معرفت : une Connaissance réelle» یاخود «طبیعتله همحال اولاجق بر معرفت» تشکیل وانکشاف ایتدیرمکه مستعددر . وارلغک خصوصی وکلی بوتون هویتی تصاحبہ تمایل ایدن بو طرزده مشخص بر معرفت ، بزى باشقہلریله یکوجود بر حالده رعشه‌لندیرمکه کوتورور ویاواش یاواش خودکاملقدن قورتاران بر حرث معنوی بی انکشاف ایتدیرمکه دیگر وارلقرله فعلاً هم آهنگ قیلہجق طبیعی بر علاقه : *affinité* استنادایددر . ایمدی بوتون حرکت وحس اقتدارلرمزک یاردینی ایستہین بومعرفت ، راسیونل و آفاقی بر خصیصہیده صاحب اولاجنی ایچون میستیک ایله بشری حیات آراسندہ بر شیرازہ تشکیل ایددر . (م . بلوندل) بو تہزنی بعضی متقدله و بالخاصہ (م . ماریتن : M. Maritain) قارشى مدافعه ایتکدهدر . حقیقی معرفت ، بزى شأنت تامه ایله مناسببتدار قیلارسدہ بو مناسبتمز دائماً ناقص بر طرزده اولور . حقیقی معرفت ، بزى وارلغک عمدہ ومبدأیله یکوجود یاغمہ متمایل ایسده الله کندیسنى تماماً یا قالاتدیرہجق بر موضوع دکلددر . میستیک ادراک، عقلک حلنہ مقتدر اولمقسزین وضع ایتدیکی مسئلهلره حقیقۃً تطمینکار یکانہ جوابی کثیر . معلومدرکه بشری معرفت بوتون شکلرندہ انتہائی بر بوشلاق براقیر . یالکیز میستیکک مراقبہ‌سی درکه بو بوشلغی دولدورور . میستیک حیات ، حیاتمزک علی العاده شکللریله غیر متجانس وبونلردن هیچ برینہ قابل ارجاع اولماقله برابر بونلرله اتصالدن خالی دکلددر . «مستیک ادراک» معرفت و افعالمزک هدفلری استقامتندہ بر تمادیدر . (صحیفه ۴۴) بومعرفت، بشری معرفتله اولچولہ میه‌جک

[۱] بو اثر (۱۹۲۲) ده شو ذاتلر طرفندن یازیلشدر: پ. آرشامبول : P. Archambault

پ. کماشلینگ : P. gemachling ، م. بریان : M. Brilliant ؛ ل. روی : L. Ruy و م. بلوندل : M. Blondelle . طابعی Gay و Bloud در . بو تدقیقلر اولاً «یکى کون: la Nouvele Jaurnee» نام مجموعه‌ده مقاله‌لر حالندہ انتشار ایتشدر . (م. بلوندل)، بوراده (سهن اوکوستهن)، (پاسقال) و (نومان) ی، انکشاف ایتدیردیکی تلقینک باشلیجه مدافعلری اولارق کوستیریور .

بر عنایت ربانیه در ؛ بویه اولمله برابر اک یوکسک شکلرلرند دخی عقلدن تجرد ایتیش دکلدر. بشری مفکوره‌نک تام برتحقیقیدر وحق تام معناسیله فلسفی و «روح کالی» در (صفحه ۶۲) . ایشته (م. بلوندهل) ک عرض ایتدیکمز ائرده مندیج اولان تدقیقنده «میسیتیک ندر ؟» سؤالنه قارشى مدافعه ایتدیکی ته‌زک اساس فکرلری بونلردر .

دینی حادثه‌لرک بسیقولوژی‌لری بوصورتله تعمیق ایدیلنجه بونلرک تفسیرلری ، دینک منحصرأ فلسفی تدقیقندن دها آز اختلافله مساعد اولمایور ؛ فقط هیچ اولمازسه تفکرمنی، یا قالانمسی بلاشبه کوچ اولمله برابر جوهرلری زنگین واقعه‌له توجیه ایتک محسناتی حائر بولونیور . دینی واقعه‌لرک چوق زماندنبری یا قلاشیلمايان دیگر بر طاقی واردرکه بوده چوجقلغک دینی حس‌لریدر . اخیرأ ایکی پروتستان مؤلف بوموضوعه استفاده‌لی بر صورتده یاناشدیله . بونلردن بری (م. هانری قلاویه M. Henri Clavier) در. «چوجوقده آله فکری L' Idée de Dieu chez l' Enfant» [۱] نامیله مشاهده‌لرله دولو برأثرنشر ایتمشدر. دیگرى (م. پیه‌ر بووه M. Pierre Bovet) نک اولوب «دینی حس وچوجق روحانی: Le sentiment religieux et la Psychologie de l'Enfant» [۲] نامیله انشار ایتمشدر . بوراده‌ده موضوع عینی در ؛ یالکیزتاما شخصی بر تحلیلدر . مؤلف چوجقک ابوینه قارشى دویدینی «پرستش» ده حس دینیک ایلک انموزجی اولدیغی کوسترمک ایستیور (صفحه ۴۶) و بو آنا بابا محبتک ابویندن آله ناصیل انتقال ایتدیکنی پک مراق ایدیله‌جک بر طرزده تصویر ایتدکن صوکر صاغیر چوجقلرده بو حالک طبیعی شکلنک مشاهده اولونه‌جغی سویلیور . فضله اولارق چوجقک آله حقنده اکثریا غریب تصورلری اوله‌سنه رغماً کرک میسیتیک وکرک اخلاقی زمینده «بعضاً تعجب ایدیله‌جک درجه‌ده یوکسک ودرین» تجربه‌له صاحب اولدیغی علاوه ایدیور . (صفحه ۹۳) .

[۱] مونثوبان سربست پروتستان الهیات فاکولته‌سنده مدافعه ایدلش بر ته‌زدر (۱۹۱۳) . ایکنجی طبیعی نوظلر و ذیلرله زنگینلشدیرلشدیر . طابیی : پارس . Fischbacher ، ۱۹۲۶ . عینی مؤلف ، عینی طابیده «أبدی حیاتک تجربه‌سی : L' Experience de la Vie éternelle» نامیله برأثر نشر ایتدیرمشدر . (۱۹۲۳) ؛ مؤلف بوراده مکمل شکلی حضرت عیساده بولدیغی بر «شخصیتی میسیتیزم» ایله بوقیل برتجربه‌یه و صولک امکان و حقیقتی تأیید ایتک ادعاسنده‌در، بومهم ته‌ز چوق سطحی برطاقم دلیلرله مدافعه ایدلشدیر . [۲] . نوشاتل وپارس . طابیع : دولاشو-وینستله ، ۱۹۲۵ .

Christianisme [۱]، « یودائیزم : Judaïsme » [۲] و « خرستیان مخالفی استنادلر : les Maitres de la Pensée antiehretienne » [۳] کی نشریات قولله کسیونلرینک موفقیتری کندی وادیلرند. عینی درجه‌ده معنیداردلرلر . بو دورده قوتلی واوریشنال فلسفه دینیله اثرلری انتشارایده‌مه‌مشدر . صولک اون ایکی سنه‌ده کی نشریات ، ترکیبی اولمقدن زیاده تحلیلیدر . محتملدلرکه بو دوره برحاضراق فاصله‌سی اولسون . بو صیره‌ده تام معناسیله فلسفی اولارق انتشار ایتدیکنی ذکر ایتدیکنمز بر قاچ اثرده تعمیمی وطاسلاق ماهیتده‌در . فرانسه‌ده دینی و میسیتیک تجربه‌لره ، دیگر تجربه‌لره قابل ارجاع اولامایه‌جق بر قیمت ویره‌نلر نادردر . (م . لوازی) ایله (م . باروزی) بو خصوصده ایلاک پیشوالردن اولدیلر . برنجیمی سوسیولوژیک ته‌زه تمایل ؛ دیگریدیه‌ایده‌آلیستدر ؛ وایکیسی‌ده اورتودوقسلغک هیچ بر نوعنه التحاق طرفداری دکلدلرلر .

بکا قالیرسه بو دورده کی فرانسمز اثرلرینک محتوالرندن زیاده یاپدقلری حاضراق قیمتیدر . بو نشریات ، دینی واقعه‌لره کوس‌تریلن علمی علاقه‌نک آرتدیغی کوس‌تریدی کی ترکیبی مهم اثرلرک عرفه‌سنده اولدیغمزه ایناندره‌جق علامتلی‌ده طاشیمقدده‌در . (م . موس M, Mauss) ک بو خصوصده کی وعدینی قیدایتدیکنمز کی شریک مساعیلرینک دینی اجتماعاته نره‌ده ایسه یکی بر حیات قازاندره‌جقلرینه‌ده اعتماد ایدیورز . (م . لهوی برول) ، بزه ابتدائی ذهنیتلری چوق کوزل تصویر ایتشدی [۴] ؛ بو ذهنیتک تکونتی تشریح ایده‌جک متمم بر اثرله مساعیسی تماملامایه‌جقمی ؟ دینی روحیانه کانتجه بوده ثباته ذکر چوق کوزل بر یول طوتمشدر . (پ . ماره‌شال) ک تدقیقلرینک

« Revue d' Histoire et de Philosophie religieuse » در. دیگر قاتولیک الهیات فاکولته‌سی پروفسورلری طرفندن (۱۹۲۱) ده تأسیس ایدلشدر . آدی : « دین علملری مجموعه‌سی : Revue des sciences religieuses » در . بو مجموعه‌لرک ایکیسی‌ده چوق مهمدر . بونلر آراسنده عمل فلسفه‌سنه طرفدار اولان قاتولیکلرک ناشر افکاری اولان « پی کون : La Nouvelle journée » مجموعه‌سی‌ده (۱۹۱۹) ده تأسیس ایده‌رک (۱۹۲۴) ده یرینی پی کونک دفترلی : Cahiers de la Nouvelle journée » نه ترک ایتشددر .

[۱] طابی : Rieder

[۲] » »

[۳] « Edition du Siècle » ده

[۴] منطق مدرسی خلیل نعمه‌الله بک طرفندن « ادبیات فاکولته‌سی مجموعه‌سی » نده ترجمه ایدیلک باشلامشدر .

مابعدی (م . پیه‌رژانه) نك «ضجرتدن جذبه‌یه : De l'Angoisse à l'Extase» [۱]
ناميله حاضرلامقده اولدینی اثری صبرسنزلقه بکلیورز . نهایت تام فلسفی ساحه‌ده ده اك
قوتلی متفکرلر هنوز صوك سوزلری سويله‌مه‌شلردر . (م . بلوندهل) ، یاقینده
« تفکر : la Pensée » ، « وجود : l'Etre » ، « خریستان روحی : l'Esprit chrétien »
ناملری آلتنده اوچ اثر نشر ایده‌جکئی بیلدیریور . برغسونه خلف اولدینی قولله‌ژ
دوفرانسه صوك سنلرده دینی مسئله‌لر حقنده شایان دقت قونفرانس‌لر ویرمه‌ک باشلایان
(م . لوروی : M , Le Roy) ، بونلرله بزه کندی فلسفه‌سی ده‌ا مکمل بر صورتده
عرض ایتش اولیور . (م . لاهرتونیه‌ر) ك اون اوچ سنه‌ك برسکوت ایچنده ترکیب
ایتدیکی مساعی نشره موفق اولمسی تمنی ایدیورز . دیگر طرفدن (م . برونشویق) دن
تماس صورتيله کچدیکی دینی مسئله‌لرک درین تدقیقلری بکلیورز .

بوتون بو تدقیقلر کوستیریورکه یکدیگرینه غیر قابل ارجاع اختلاف‌لر قارشیننده‌یز :
چونکه دین موضوعی دیگر هر هانکی بر موضوعدن ده‌ا چوق شخصی عاملاردن
متأثر اولیور و بونی بر طرف ایتمه‌ك هنوز ممکن اولمادیکی ده کورولیور . حتی
بو مقاله‌ك قارلری آراسنده کیم بیلیر قاج کیشی نیم تقدیر ایتدیکم اثرلرک بر
چوغندن حظ ایتمه‌مشدر ؟ بونکله برابر مختلف متفکرلرک کندی قناعتلری کرک معارض
مذهبلرک و کرک قابل مشاهده واقعه‌لرک پیش تدقیقلرینه عرض ایتدکلی ده محققدر .
بن‌ده مقاله‌می چوق کنیش طوتم . بر آرایه کتیریه‌مه‌جک کبی کورون
اثرلری بر برینه یاقلاشدیردم . فقط قباحث بنده دکل ؛ چونکه بو اثرلرک هپسی عینی
موضوعی تدقیق ایدیورلر . هر موضوعده اولدینی کبی بوراده‌ده اختصاص دائره‌سنده
چالیشمق مجبوریته مؤلفلر عینی موضوعك بر جزئه صاریلشلردر . یالکیز بو صاریلش
وبو باده کی نظریه‌لرک بر برلرندن قطعی حدودلره آریلاملری لازمدر ؛ چونکه دینی واقعه‌لرک
مثبت تدقیقلرله دینك فلسفه‌سی ایرکیچ بر برلرله تلاق ایتمه‌ک مجبوردرلر . بونلردن هانکیسی
بر پارچه‌دها تعمیق ایدیلسه متافیزیک مسئله ايله بهمه‌حال قارشیلشه‌جقدر . بونك ایچون کرک
دین فلسفه‌جیلری و کرک دین علم‌جیلری بر برلرندن استفاده ایتمک لزومی اهل ایده‌مزلر .
الحاصل تاریخ ، روحیات و اجتماعیاتك دین واقعه‌لری حقنده کی مطالعه‌لری ، حیات

[۱] بو اثرک بر فصلی « Journal de Psychologie normale et pathologique »

نام مجموعه‌ك (۱۵) مایس و (۱۵) حزیران نسخه‌لرنده انتشار ایتشد (۱۹۲۵) .

معنویہ نك مجموع اقتضا و طلبیہ یوز یوزہ كلكہ دائما محتاج و مجبوردرلر ؛ بونك نتیجه سنده متفكرلرك اك جسور شخصی تفسیرلری طبیعتیہ آرایہ کیرہ جکدر . الویررکہ بو تفسیرلردہ جزم و یقینہ واصل اولق اندیشہ سی حاکم بولونسون .

نوط . — بو مقالہ دہ ذکر ایتہ کدہ قصور ایتدیکم مهم بر اثری قید ایتہ مہ مساعدہ ایدیکز: « دینلرک مقایسہ لی تدقیق : L'Etude comparée des religions » ، [۱] نامی آئندہ ایکی بویوک جلد دن عبارت اولان بو اثرک مؤلفی ، (پ . پینارد دولا بوالای : P. Pinard de la Boullay) در .

